



## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

Si quis ex Ecclesiastico ordine damnatus fuerit à synodo, & ausus fuerit de  
sacro ministerio aliquid contingere. cxcix.

**urn:nbn:de:hbz:466:1-10722**

fi quid eis intra duorum mensum spatium humanitus e-  
uenerit, benedictione viatici non priuentur. Deinceps au-  
tem ab eorum consiliis cautus existeret, te quoque sollicitè cu-  
stodi: ne si eis in malo discipulus fueris, quibus magister  
in bono esse debuisti, nec simplicitati tuæ, nec vltius se-  
ne&uti parcamus.

*De purgatione Leonis papæ.  
Cap. CXCVIII.*

*Iuramen-  
tum Leo-  
nis papæ.*

**A**Vditum fratres charissimi, & diulgatum est per mu-  
ta loca, qualiter homines mali aduersum me insurre-  
xerunt, & dilatare voluerunt, & miserunt super me gra-  
uia crimina. Propter quam causam iste clementissimus ac  
serenissimus dominus rex Carolus vnà cum sacerdotibus  
& optimatibus suis, istam peruenit ad urbem. Quam ob-  
rem ego Leo pontifex sanctæ Romanæ Ecclesiæ à nemine  
iudicatus, neque coactus, sed spontanea mea voluntate puri-  
fico me in conspectu vestro coram Deo & angelis eius, qui  
conscientiam meam nouit, & beato Petro principe apo-  
stolorum in cuius conspectu consistimus, quia istas crimi-  
nosas & sceleratas res quas illi mihi obiiciunt, nec perpe-  
traui, nec perpetrari iussi. Testis mihi est Deus, in cuius iu-  
diciu venturi sumus, & in cuius conspectu consistimus:  
& hoc propter suspensiones malas tollendas mea spontanea  
voluntate facio, non quasi in canonibus inuentum sit, aut  
quasi ego hanc consuetudinem aut decretum in sancta Ec-  
clesia successoribus meis, nec non & fratribus, & coëpisco-  
pis nostris imponam: sed vt melius à vobis abscindatis re-  
belles cogitationes.

*Si quis ex ecclesiastico ordine damnatus fuerit à sy-  
nodo, & ausus fuerit de sacro ministerio ali-  
quid contingere. Cap. CXCIX.*

*Ex cõcil.  
Antio-  
cheno,  
cap. 4.*

**S**I quis episcopus damnatus à synodo vel presbyter, aut  
diaconus à suo episcopo, ausi fuerint aliquid de ministe-  
rio sacro contingere, siue episcopus iuxta præcedentem  
consuetudinem, siue presbyter aut diaconus, nullo modo  
liceat ei nec in alia synodo restitutionis spem, aut locum  
habere satisfactionis: Sed & communicantes ei omnes  
abiici de Ecclesia, & maximè, si posteaquam didicerint

aduersum memoratos prolatam fuisse sententiam eisdem communicare tentauerint.

*Si aliquis ex ecclesiastico ordine excommunicatus fuerit, & communicare præsumserit, se ipsum damnat. Cap. CC.*

**I**tem placuit vniuerso concilio, vt qui excommunicatus fuerit pro suo neglectu, siue episcopus, siue quilibet clericus, & tempore excommunicationis suæ ante audientiam communionem præsumserit, ipse in se damnationis iudicetur protulisse sententiam.

*Ex cōcil.  
Africa.  
cap. 29.*

*De ordinatis, si aliquis illorum percussor extiterit.  
Caput CCI.*

**H**is, à quibus domini sacramenta tractantur, iudicium sanguinis agitare non licet. Et ideo magnopere talis excessus prohibendus est, nec in discreto præsumptionis motibus agitati, aut quòd morte plectendum est, sententia propria iudicare præsumant, aut truncationes quibuslibet personis aut per se inferant, aut inferendas præcipiant. Quòd si quisquam horum immemor præceptorum, aut in Ecclesie suæ familiis, aut in quibuslibet personis tale aliquid perpetraverit, & concessi ordinis honore priuetur, & loco sub perpetuæ damnationis religetur ergastulo. Cui tamen communio exeunti de hac vita nõ neganda est, propter domini misericordiam.

*Ex cōcil.  
Mogūti.  
cap. 6.*

*De episcopis sua manu cædentibus. Cap. CCII.*

**N**on liceat episcopo manibus suis aliquè cædere. Hoc enim alienum à sacerdote esse debet.

*Ex decr.  
Bonifacii  
papæ.*

*De episcopo qui seipsum & sibi commissos corrigere neglexerit. Cap. CCIII.*

**Q**ui nec regiminis in se rationem habuit, nec sua delicta deter sit, nec crimen filiorum correxit, canis impudicus magis dicendus est, quàm episcopus.

*Gre. dic.*

*De eadem re. Cap. CCIII.*

**V**tiliximia per cinerem humidum fluens lauat & non lauatur: ita bona doctrina per malum doctorem animas credentium lauat à sorde peccatorum.

*Ex dictis  
Hieron.*